


槩庵集





欽定四庫全書

槩菴集卷七

誌銘

扶風縣尹李君荃誌銘

元同恕撰



皇慶元年六月一日故扶風縣尹李君夫人張氏卒其子思恭思溫將以八月二十七日偕縣尹君之柩葬咸寧縣龍首鄉先塋泣謂其游同某曰先君歿扶風官舍墓石時未具今願以銘屬子幸無讓某生晚辭拙先德

之懿將下屢歎思溫請益堅則敬叙之君名克忠因以
為字先世京兆人生數歲而孤母楊氏無育教飭嚴敏
濟慈課君誦六經論孟諸書日千餘言君亦秀慧警敏
率十數過輒記不忘九歲中金童子科其後大兵起饑
荒君負母流亡脫死萬一轉客棧州州守才君倚監稅
務歲課益故常大姓張公某妻以其子既又徙河中籍
名學官子孫因家焉歲癸丑中肅揚公宣撫陝右道出
境上君贄以詩忠肅大異之及設禮案首召君終使事

官制未行州縣令長由分間辟置中統建元川陝等路
宣撫司檄君渭南縣尹兼軍民彈壓至元元年改行中
書省申擬前職二年勅尹故縣丁母楊氏夫人憂服除
更華陰長安扶風三政推誠與人專以得理不任刑罰
吏民樂為用未嘗以不及事得罪州府奉法循義期盡
吾職不為赫事以求知於人而人亦以是知君也壽六
十有二以至元十三年六月十七日卒君寬慈和厚務
謹自將養母至^孝流離艱棘中左右順適不忍少違志

志意才具通朗始至河中謝師謂君可專對令往來北地國言便習殆若性成嗜學老而益力公退讀書如童子時作詩清婉可愛常戒諸子曰吾家世儒者慎勿隕先業以為父祖恨張夫人柔良端靜竭力成家事君姑為孝婦相夫子為賢妻年九十有四集事備福鄉人莫不稱羨焉男四思敬思聰思恭思溫皆讀書有聞敬聰前卒女二長適從仕郎德陽縣尹王世英次適姚天翼亦俱歿孫男女十二人曾孫男女七人銘曰肅於外兮

坦于中才之備兮德之充如有用我博以宏吁此澤施止一同驥垂兩耳駑為龍隨所控制吾何恫于其子孫不于躬尚篤斯慶流無窮

族兄欽夫墓誌銘

兄諱措字欽夫其先出自晉大夫伯子同氏家太原之文水繇高祖而上徙為京兆人曾祖諱安妣傅氏祖諱寧妣馮氏考諱景先妣李氏以丁酉歲八月三

性彊明心計有餘而綜理周密年十五六考府君即委

以家事與其弟極協心一力不懈寒暑資用饒終考妣養
安終壽兄弟怡怡老而彌篤親族屬接賓友恩禮無燕
日與游好樽俎為笑樂皇慶癸丑三月二十七日晨起
既衣冠疾作不移時而逝享年七十有三配楊氏金進
士高州防禦判官侯慶長外孫恭順慈良宜於族姻生
四十九而卒蓋前二十七年也子六人男四長戡克幹
幹父蠶次鶚讀書有聞掾甘肅省次海駒死中殤女二
適張受祖楊文行孫男一女四戡等卜以明月十四日
塋咸縣^寧洪固鄉三逍村先塋族弟恕為其銘曰惟幼
惟勤以安其親惟優惟於以壽其身萬生芸芸孰是齊
均永寧一丘式燕後人

承直郎成都路判官王君墓誌銘

君姓王氏世家奉元之同州曾祖侃祖成金進士出身
晚以名德辟京兆總府講議官父才京兆酒使綢齋先生
李公諮議為誌其墓母趙氏生三子君其長也諱舟字
六彙方直通朗讀書有治才西蜀四川道提刑按察司

選主史書歷四川南道宣慰司掾四川等處行中書省
掾元貞二年勅授承事郎同知成都路漢州事轉同知
雲陽州秩滿改承直郎都路總管府判官皇慶二年
疾終官舍八月初一日也得年六十有六予堂兄與酒
使游甚習且可君俊敏遂以壻其第四子淑慎恭柔克
相夫賢從掾蜀而卒蓋前二十年矣生女有四俱適良
士再娶陳氏亦前卒皆權厝漢州廣漢鄉一男曰恪君
自幼為兒童開爽絕出倫比庠序師賞其樂學既長有
志世務遇事不苟其在簿領未嘗以私撓公長長率器
倚之兩俸州治吏之黠者易為循慎民之戚者易為懼
愉毗府不數月遽與望嗚呼惜哉延祐乙卯秀弟長
安縣尹壘由秦之蜀護三喪歸卜以八月十有四日庚
寅合葬咸寧縣洪固鄉孟材先塋前事以姪恪來速銘
乃哀而銘之銘曰太阿之利不剗犀兕株橛是試赤驥
之良頓轡八荒出入尋常吁嗟承直百用而一已足有
立如彼流泉尚濬吾源無過其川

陳君墓誌銘

魯齋書院直學陳遜手其祖事狀一通泣拜而言曰祖
父歿二十有六年矣藁殯僧舍今茲不天祖母任即世
合葬有期敢以銘為請其幸賜之乃按其狀君懷慨能
推已以義自勝者也癸巳之變生纔九歲父母哭二姊
相失鋒銅間流離瑣屑陷於九死既依里師於平陽籍
織工於太原復被徙哈喇和卓十有五年迨有居京兆
咸寧以亡國之末高為起家之始祖手指据而口卒瘞
者為不少矣嗚呼艱哉君諱福世家河南鄭州密縣祖
仕金為密令父千夫長生以正大乙酉卒以至元庚寅
五月十一日享年六十有六元配李氏繼室任氏克脩
內職以佐君子子男七林達榮次早卒思溫良英女一適
李氏孫男十三祥弘德讓遜前為肅州文學掾餘未名
女九四適人曾孫男女七李前三十二年卒年三十任
氏歿於延祐乙卯五月己巳壽七十有七卜以是歲十
二月二十二日丙申合葬咸寧縣洪固鄉黃渠東原之

塋銘曰嗟崐岡之火炎兮紛玉石乎焚而萬有一其不
俱燼兮夫或有以相之歸茲丘之四尺兮實百世焉所
基

輔君明之墓誌銘

輔本晉大夫智氏由智果策智伯必滅宗更其姓為輔
氏雖歷世綿遠不智昭穆何別蓋其苗裔也君諱昌字
明之先祖仕金嘗官于秦因為秦人生泰和唐辰某月
某日族屬衆盛星散兵間今為居任城者或通譜焉君

既涉變故斂歲智略施之家政教子治生前翦有法鄉
里推為信義君享年七十三以至元庚辰某月某日卒
元配于氏生一女嫁劉德祿繼室上官氏柔明淑慎筭
而歸君積勤累儉佐理家事君歿撫育諸子雖極慈愛
而教切之義有加無替妻道母道兩克舉之後君三十
五年當延祐乙卯十月某日卒壽八十有八生四子長
世安次世榮大寧倉使次忠皆前歿次仁奉直大夫宣
徽院都事一女適楊某孫男五人孫女二初君與于氏

葬長安縣槐衙里先塋至是卜遠日得丙辰三月庚申
吉奉直將舉其柩合而葬焉其子公佐以奉直命來速
銘銘曰智燭之圓炳乎幾先世曾嬋媽兮志力之堅輔
佐之賢家以載延兮子譽日宣飛騰俊躔有嶂其傳兮
襟山帶川松檟陰煙輔氏之阡兮

奉議大夫甘肅省理問瓜爾佳公墓誌銘

公氏瓜爾佳諱安仁仲寧其字萬戶招討使贈龍虎衛
將軍定襄郡敏公之曾孫行省贈榮祿大夫沔國忠

靖公之孫右丞贈榮祿大夫平章政事沔國宣惠公之
第三子妣曰沔國夫人耶律氏生而端慧稱其家望宣惠
公鍾愛之既長善騎射顛悟絕人國言與文嫻習若夙
成勵志讀書語益則尤所悉苦欲自得於己者書學
慕王會稽樗殿馬公謂其硬能似之故家之耆年茂德
皆樂與游至元二十六年大農以才辟掌國文時猶未
冠也明年奏以承事郎令廣濟署三十一年陞同知德
安等處軍民屯田總管府事稼政以脩公私兩足大德

二年改同知陝西等處屯田總官府事首以歲荒民困力請蠲租額三萬斛先是有監州席勢縱其下牧馬秋稼且誣以故牧地強辨莫能屈民相率訴廉府廉使以公明信可倚俾竟其事公按籍非牧地乃詰之曰地則有籍蹂稼則有法法而不畏何如且此國計寧不知耶監州辭服既正其經界杖其奴計畝償所損民驩呼嗟感廉使謂直能世其家者三年宣惠公薨服喪過哀自是家居者十餘年^年皇上登極遷奉直大夫四川等處行

中書省理問所相副官公悉心營職蜀省無滯訟有所議反覆情法期於平允雖宰執不苟從讞獄重慶直萬戶郝某之寃渝士皆師之延祐改元轉奉議大夫甘肅等處行中書省理問所官平章榮祿公賢而禮之由偕侍會議陝省且為宣惠樹碑神道三年正月十有四日以疾卒清和里第之正寢年纔四十五矣遠近弔者皆哭失聲夫又蒙古氏無子後以弟仁寔子徵女四人皆幼以其月三十日葬咸寧縣鳳棲原唐貴冑里馮公墓側

公長身玉立風度凝遠瞻者起敬而慈祥信厚藹然仁
義人也為子弟以孝謹稱宣惠出典已藩入贊大政賢
勞靡暇而退食無門內之虞者以公能順適晨昏彌康
健故也與人交久而後知其為敬友好賢樂善屈已下
士無一毫世祿家氣習再為理官持心公恕法行而人
不寃問語治體若緩若急秩有序使其引而見于施
為尊主庇民之業足以光前而裕後孰謂天不可信而
竟止此於此邾是可悲矣公嘗遣徵從子學徵以銘為請
其忍辭諸銘曰嗚呼天之生才其有意邪其無意邪以
為無意斯門也而有斯人也則固畀之以用世彼其
書美而全懿茲不曰宗廟之器以為有意我我之毋方
將鼓柝而禍因觸石乃敗浮天之攸濟顧錯糅之下齊
何至是乎繆韞此予以以痛惜乎才難不獨世閱之不
繼也嗚呼

王君輔先生墓誌銘

延祐三年之春王乾州學事王君受正介友生宇文鐸

垂謁疑語移日其貌恭言從擇術甚正余固疑其詩承
禮接不特器識之卓異也子後拜致族系里居之錄求
銘先箴乃知果儒家子善為箕裘信矣哉謹按先生姓
王氏諱輔字君輔其先蔡州確山人考諱郁徙家德安
嘗職教其府妣李氏先生生于癸未歲四月十日六日
年十三已能讀書屬文遭難流亡父子相失道過楊忠
肅公愛其應對敏給輟後騎載之依舅氏許昌轉客秦
鞏已乃家乾州隱居教授澹若與甘相忘者年五十四
以至元丙子二月九日卒配儀氏柔順端謹克勤內職
後先生十七年歿至元癸巳十一月十一日也壽五十
有九子男三椿卒大德八年栢即受正也桂女二朱榮
張顯其壻也孫男八徵敏牧斲餘幼女三葬其州孝節
鄉西小張村之北原銘曰猗兩間之有生兮衆固不可
以萬針也顧獨以士為名兮乃首出乎四類也雖道命
不與人謀兮盖有曰懷奇而抱異也矧濟美之克世兮
其又奚憾予下地也

倉使冉晦鄉墓誌銘

華昌通渭縣主簿兼尉冉擇言將葬其父于斯倉使晦鄉以兄伯人之命來請曰伯仁等不孝永痛是罹今遠日得卜矣敢以銘問諸門下哀懇之情有不獲辭者及視所錄則曰晦鄉寬厚而信節儉而勤治家訓辭咸有倫要以賢行選主奉元鼓箴出納之當不失合會通陰陽占繇學晚以恬澹寡欲自養勢利紛華不一動其心噫斯亦可謂好修之士矣晦鄉諱瑛其先爨之梁山人

孝德清妣胡氏始自秦州徙家奉元晦鄉生己酉七月二十日享年六十有八配于氏生六子一女長伯仁承事郎鳳翔府扶風縣尹次思義次則擇言擇善肅州路儒學教授次擇行甘肅行省檢校書吏次擇禮女嫁侯居禮男孫四女孫九其卒以延祐三年三月二十九日其葬以五月十有九日其兆則成寧縣神鹿原先塋也銘曰信以與人人以宜勤以立家家以肥生男衮衮衣綠緋六十八年蛻而歸嗚呼無憾其庶幾

臨潼縣尉雷君墓誌銘

雷氏世為耀川同官縣雷乎州人後徙高陵之毗沙鎮
子縣蕃衍遂為盛族君諱禎字彥禎以至元丙寅二月
丁亥生兄弟六人君最幼溫厚謹敏蚤歲如成人讀書
晝夜不倦奉侍親側得其勸心友五兄敬而順交游姻
戚思相愛而文相接其治生也勤其教子義其御僮
使也嚴而不苛豐於賓祭儉於自奉親仁就德救災恤
貧此君之居家也至元己丑四川西道宣慰司辟為奏

差甲午陝西行省掾平涼等處屯田提領勸課有方官
民兩足大德戊申陞延安克成巡檢壬寅改美原盜賊
畏威遠邈兩司為之肅然至大辛亥勅授今職至即申
明切東謹巡扞嚴督捕闔境安寢無草竊之虞縣當會府
之衝冠蓋往來相屬于途君嘗攝縣政供億送迎禮無
違者率皆歡愛焉禁戢豪橫扶掖善良尤悉心刑罪獄無
冤繫同僚相與閤閤如也卒之日吏民皆慟哭此君之
居官也曾祖遠妣曹氏祖定妣楊氏考貴累主四縣簿

妣傅氏杜氏兄鎮江等處新民人匠大使祐高陵稅使
祥皆前歿三原縣尹德安定縣尹裕其五祚也妻劉繼
張子德詮德謚成紀儒學諭女一適王澤一在室孫女
一人姪男女三十六人孫男女一十七人此君之父兄
子姪也卒以延祐丙辰十一月一已葬以明年丁巳地
以鎮北隅原慶安鄉之先塋祔以劉氏此君之送終也
德謚嘗從予受業至是銘為請義不得辭也銘曰出
有譽於忠順入無疵於孝敬斯往行所難兼猗若君兮
力成學壽宜遐而中身祿宜豐而命終天道者好還餘
嗣葉之流慶

陰陽舉焦君墓誌銘

中痛有言至誠之道可以前知又言至誠如神夫惟天道
真寔無妄故人之真寔無妄者始可與議化育之妙而
禹範於卜筮必曰擇人而建立之蓋其學問之功自明
而誠無一毫私偽留於心目乃能合鬼神而一之彰往
察來洞見朕兆非偶然也是豈口耳授受誕謾無寔者

所可得而云云哉求今師學學得吾陰陽教授焦君潤之
之殆所謂誠者歟君諱榮溫純朴茂讀其父管句公書
一以至誠為力行之本易經而下歷世為五行言者累
數十百家閎衍浩博皆出入貫穿決擇去取所以為資
籍者益深且廣矣尤致力星禽書占百事以觀來物於
人之靜作從送榮瘁利鈍無一不中其會以故聲望四
馳遠近延訪應接不暇王相左山公嘉其信而有徵大
書所居曰覺齋一時名公鉅人如平章何公聰山太子
賓客王公山木翰林承旨姚公牧菴集賢學士宋公柳
菴皆情交義接音以以詩文而集賢大學士方齊郭公
既為次第世譜又序衍里以贈行斯可槩其為人矣初
君擢安西延安興元鳳翔鞏昌等處陰陽都提領由左
山公薦安西王教提舉陝西四川等處陰陽學既罷提
舉直教授員勅安西路陰陽教授精勤舉職學者爭
願出其門晚以疾辭著三元書二十卷板行之延祐四
年憂五月十有六日召詩子戒以脩身無墜先業遂不

起疾享年七十配杜氏淑慎儀閨門四子澤輝州稅使
溉將仕郎臨安宣慰司都事渥鞏昌路陰陽教授河延
安路陰陽教授一女側室吳出也嫁百夫長郭良男孫
九女孫八君博通儒學且熟醫說孝義慈厚非出勉力
事管勾及妣胡曲極順適家事無劇易惟身任之丙親
游逸豫享有令終始其戶隸軍籍管勾嘗苦之至元甲
戌詔遣使擇通儒術者不事征役君一試中等遂釋達
憂過其第一以誠愛始雖不恭終以怡怡與朋友以信

和鄉黨以謙厚其饑而藥其疾務其長而覆其短故人
無貴賤長少皆愛而樂之雖未嘗相識者聞人稱道姓
名亦必曰是覺齋君邪嗚呼此可謂有道之士矣澤等
卜以其年八月九日葬咸寧縣龍首鄉司天社先塋前
事手君善狀一通泣拜請銘其墓且曰先人故交惟先
生為知己予義不得辭乃撫其學行之懿可信今以傳
後者叙而銘之若族世爵里之詳見於管勾公誌者茲
不具銘曰至微者神至精者里稽疑之用昭合為美鳴

呼先生洗心以誠觀變玩占寔紹天明曰吉曰凶如指諸掌靜者知歸作者知往若昔蜀嚴積豐取廉忠孝之勸乃今是瞻子也衣纓孫兮詩禮餘慶所鍾無窮伊始鄉曰龍首社曰司天馬鬣一封其千萬年

提舉梁君墓誌銘

延祐五年春二月十有四日提舉梁君益之卒卜以明日子有二日葬咸寧縣苑東鄉安家莊先塋季弟大成暨子壻姜煒持甥壻王文所書行寔再拜諸銘且曰先

兄有遺言誌墓之辭必以屬吾寬甫幸先生哀而賜之

恭惟先君與真其父義嘗通財提舉復尋盟舊好垂絕之

託其忍以不文為辭謹按辭君名大用字益之世為乾

州奉天人高祖斌曾祖均祖順考棟材由艱難起家徙

居長安城中退菴張先生為誌其墓妣魏氏君自幼卓

立不類常見入鄉校師逸而功倍父母鍾愛之既長佐

理家務益得歡心恪勤子職不懈寒暑飲食必嘗進出

入必面告喪葬盡理祭祀盡誠苑東新阡寔自居塋卜

事杜氏姊尤極弟敬有所為必咨決之愛二弟大有大
成人不知為異母也與人交不苟合以義為主居常正
衣冠無情容戲笑家人惴惴威於鞭朴至元十九年行
中書省以謹信有材幹檄為安西王掌膳局大使王知
可任委下教陞同提舉尋為正君悉心職事始終二十
年遇有慈髮得退即堅守素分無復進用意至大四年
詹事院奉為人匠總管府經歷命未下崇趣就職君益
以年老往辭不赴矣優游里居者餘十年既疾病屢置

家事精明不亂出其僮使嘗有勞者十數輩為民仍俾
近墜田俾奉祭事語畢而逝得年七十有二君凡五娶
無子元配劉氏卒繼以王李王任前王及任亦先卒今
皆合葬焉三女李出也長天次適西錦院提舉姜煒亦
卒次許嫁楊孝思君天資剛嚴不借人言色然質直無
機穽見世之功為柔佞以說人者疾之如讎或以私害
公輒面數其非再三申戒故人雖內積不堪外寔畏憚
持顛扶危惟力是視勢家以奴倡平民輒理出之嘗善

黃冠師且死以其徒甲嗣事嗚君乙懷媚嫉誣以盜馬
 欲規奪之君卒直其寃以信吾諾尊德樂義敦本務實
 禮讓貴廉耻殆所謂剛而塞疆而義者非邪是可銘已
 銘曰虞書九德彊義剛塞人一見之臯陶曰吉維提舉
 君氣養以直是是非非義形於色行豈不同正途是即
 量豈不容視惡如疾在家能家在職舉職七十二年其
 儀不忒葬從先人既安既適曷永厥存尚考斯石

欽定四庫全書

槩菴集八

誌銘

王府君墓誌銘

延祐五年四月二十有三日承德郎乾州知州濟南王
 瑛母夫人趙氏卒將護柩歸松楸卜以某年七月二十
 日與其考府君合葬鄒平縣仁義鄉之北岡迺錄府君
 世次壽年求銘定石余惟承德累仕闕輔治行卓偉禮

交義接積有歲年有不德而終辭者謹為叙次如左君
諱禔字國祥世為濟南人高祖淮金懷遠大將軍濟南
路州軍民千戶力濟時艱一方之民獨安田里曾祖彰
金中大夫棣州厭次令出私積活荒歲民妣蘇氏鹿氏
祖通讀書樂施妣高氏父孝友妣左氏府君以庚子歲
八月十有三日生至性孝友宗戚隣里樂其樂憂其憂
篤志問學無絲粟禁利計鄉閭子弟爭造受學至元十
四年五月二十有六日德疾遂不起壽止三十八夫人

道氏金浦州千戶忠惠之女温婉恭慎事舅姑得歡心
接族姻無違禮府君既歿即屏去脂澤約身縮用力其
子于學承德以是出典郡縣入贊臺憲才猷夙節照映
搢紳夫人鶴髮方瞳雍容祿養見者咨美今年七十有
九微疾而逝子男二長承德也次珪甘肅等處行尚書
省譯史前歿女一適都目李惟洪孫男三魯充鄰女五
曾孫女二嗚呼府君儲休積美維壻享子躬顯揚之傳
方與未艾夫人苦節于其始而燕于其終天之報施善

人又可謂無信邪銘曰孰御陰陽變化無帶一世之短
百世之長非此其身府君是傷在其子孫府君不亡婉
婉今配閨儀壺章同穴之信皦曰其光

將仕郎道君墓誌銘

將仕道君諱元諒字良鄉其先克之鄆城又祖諱義妣
翟氏徙家隰州又徙家奉元故今為奉元人考諱吉字
伯祥妣晉氏君以乙卯歲五月二十日生天資純謹經
史通大義出採開成宣慰司錄積閱勅主鳳扶風縣簿

歷安西徑陽縣官將仕佐郎延安總管府知事陝西都
轉運監使司知事臨洮府司獄轉將仕郎奉元路司獄
為簿能抑暴使以負重若傳騎俾寃獄之罪死者左運
幕能使監丁盡力歲科倍常數其見於用者如此事親
孝從兄順御下則思義兼盡處家則勤儉有方利不苟
取勢不苟合其本諸身者又如此以延祐己未正月十
有六日卒壽六十有五卜以三月二十有七日葬長安
縣華林鄉高陽原君凡四娶兩孺人晉氏舅女從姊也

李氏皆合祔焉今孺人邵氏佐君有賢稱子男三寅容宏女二長適雲南臨安路蒙古字教授苗彬次在室邵孺人予里中故家也遣其子寅以進士壬弁狀來乞銘銘曰有用以及乎人有本以誠乎身不究於前者用之屯可裕乎後者本之真歸四天之斧墳尚永永其不泯

任正鄉妻曹節君墓誌銘

延祐七年九月辛卯京兆故任真諒正鄉之妻曰曹節君疾終內寢享年八十有二親䟽聞者咨嗟驚嘆謂節

君由震風淩雨之變而圖夏屋帡幪之安天助其順人

與其能以濟成任氏者三世矣不易為力哉節君父諱

用母王氏世河中人生年六而嫁時舅姑甫自亂離歸

鄉里正鄉與弟直忠年尚弱經始立門戶百用闕如節

君以柔順恭恪事舅姑勤儉端一從夫子上下咸宜之

十餘年間既喪舅姑正鄉直忠相繼淪謝子謙纔七歲

西方五女襟前裙後族黨憂不能濟節君屏去脂澤衣

鹿鹿食淡澹其子以學撫視諸女慈愛教督均一無間家

事巨細不以委勞于姊氏姊氏亦友敬信順寢食必偕
頃倡簞和至于白首人信其姊妹不知其為姊妯也始
自謀曰農桑衣食之原無田以給口衆非久計也盡斥
奩具買田南山下課童婢耕蠶甘苦共之寒暑不少懈
歲入既贏子謙亦長大孝謹有鄉譽伏臘之計十百於
疇昔矣人方歆羨不幸謙屬疾遂曠定省諸孫皆幼稚
節君年已七十吞聲飲泣益自奮曰兒曹承氏祀者不
使知學是由我敗之闢館于隣延士教之男今受室女
亦有歸歲時柔原列侍左右初大德間有司上其行宜
享旌表省檄既下節君辭曰婦人守義分內事爾何異
焉至大辛亥通議大夫河南任公總管奉元也謂朝廷
旌別淑慝所以美化移俗二母之行若此久聽其辭如
盛典何趣有司樹美表于門集賢學士勤齋蕭公題其
曰似曹娣索貞節嗚乎惟長顯哉一子謙也字敬叔三
女皆嫁良士曰李思溫曰從仕郎王府照磨劉元曰醫
効郎惠民局提點嚴有恒娣女二長適董思溫蚤世次

適司竹監使鄭思溫先六月而歿孫男三惟義惟一惟
聰女二嫁王灼者亦前歿次許嫁鄭氏節君天性嚴重
言笑有常席閨門之內大小肅穆識深慮遠有補陰教
務容銜巧之習不入于家故女之事人者皆勤內職而
子婦蚤寡誓志秉節耳濡目染之力歟自奉甚約至周
人之急畧無顧惜嫁姊妹資裝原于已女其哭姊妹也
哀不能勝其後竟以鄭女亡悲傷得疾御下慈祥自司
閭政未嘗笞捶一人有過則累日不與之語恐懼謝罪
乃已凡此視昔著于彤史者優劣何如也至是惟義輩
卜以十月庚午祔節君柩于咸寧縣龍首鄉永泰橋正
鄉之墓泣拜請銘某惟義子備館教者累年禮遇之厚
嘗竊愧焉今茲德述非某言之私鄉評之公也不敢畧
亦不敢誣曾孫男一班巴爾銘曰於維節君得秀自天
三世夫門力起其顛霜不清玉不逾堅婉婉姊妹光緞
華聯生有聞于百年死無愧于九泉吁嗟乎婦賢吁嗟
乎母賢

大醫常惟一墓誌銘

君諱中字惟一其先太原人曾祖明避亂徙陳州再徙
中山祖慶祚以良醫待詔御藥至元十一年皇子安西
王分土闕中太醫院奏侍藩邸官醫愈郎陝西四川中
興等路醫藥提點使司判官終王府醫藥提舉今遂家
奉元父謙承事郎陝西興元等路齊理克琨長官妣夫
人杜氏君天資秀朗家學淵奧濟以心得之妙針藥所
施効應神捷人無貴賤日爭迎謁遂以眼科名世入為

御醫居京師者十年延祐改元試中第一人扈從往來
著績為多王公貴人無不稱善盡術業精專而仁遜不
務故也至治元年二月十八日疾卒寓舍年甫四十有
一以其年十月十五日歸葬奉元咸寧縣龍首鄉北原
之塋娶王氏再娶陳氏承務郎龍興路推官某之子一
女纔滿歲後五月亦歿嗚呼痛哉自予得友承事公而
熟君及弟冲之賢每謂承事天壤間能是福者幾家積
善餘慶信而有徵矧君濟世美勞玉事命服歸榮匪朝

伊夕孰謂其遽至此也天不可信有如是邪冲來請銘其何可辭銘曰靈芝無根醴泉無源竭枯一朝世猶瑞寃鍾秀在入源深本蕃不濬而培天乎何言以物為形生雖有垠以瑞為名永永其存

郭君秉彛墓誌銘

延祐七年陝西行省行臺擇可魯齋書院主訓導者僉曰郭君秉彛文行純懿倦游開成真其人也於是遣邑吏走書幣以請三往迺然後至既舍菜升講座樂育之

和盜溢凡席間執經而問約禮而言者味味以進昭昭以退兩府謂得其賢學者謂得其師士林謂得其友甫三教月庠舍不能容矣至治改元之春瘍疾為虐竟不起二月十二日也嗚呼天果欲窮吾適邪何奪斯人之遽也使前日相慶者皆相弔來哭之慟自復及殯聲相屬弟彪時方以命省家開成友人王總管庭彥傳推官彥升經紀喪用之衾棺歛必誠必信決旬彪以其嫂王氏謀所以葬君者則持教授孫忠符狀乞銘于予予雖

拙於為言無以振發瀆懿義不得辭也乃受而申之君諱好德自號鳩菴世居京兆華陰為儒家再從咸寧考原載之陝西等處打捕鷹房提舉妣王氏君生而穎悟蚤從蒙齋益先生學能自淬礪讀書為文捷出時輩故人皆期以致遠大德戊戌開成路同知方君薦為安西王府說書會王受命兆征開成貴家爭延訓子弟故君留居者餘二十年懃懃懇懇務以成就人材一方翕然德所務式貧而願學者約已資之康生繼昌居門下五年義則師教恩則骨肉故今繼昌喪之如父君蚤孤事母篤孝迎養致樂未嘗少違顏色侍疾四旬衣不解帶喪祭一遵制不忍以俗尚薄其親從步千里護柩歸葬素雖不用酒母遺言敗德終身止飲兄弟間無違言忤色朋從友好信義尤著素善渭南曹顯道立聞其妻有娠約通婚姻既產曹男而已女歷十有八年顯道夫婦死已久矣君曰吾可失信於故友邪乃資其女婦曹氏庭彥之總管開成也以師禮遇君丙辰之變庭彥既被

執守者露刃脅以必從闔府吏卒奔散無一人君易衣冠伺間隙獨往省視庭彥曰吾分富死人殺如自殺何君勉之曰公知守大義當聽命於天無益之死不可為也庭彥每語入深感其義仁心周流終始無間嘗晨起有遺楮在門視之皆金帛其直不貲君求其人盡異之六盤地寒日暮聞河側有悲哭不能為聲者君往視之拾薪兒凍幾死矣昇救於家明日還其父母蓋全吾降哀者類如此妻王舅氏女也側室梁氏三女一男長壻吳用貴次郎顯道子宗顏季尚幼男復方一歲季女及男梁出也享年五十 三卜以三月九日葬咸寧縣芙蓉園之先塋君稽古務學履真踐寔其積也若是之豐其取也乃若是之嗇邪是可哀已銘曰古稱仁者宜位而富位富未能必得其壽如可郭君三無一焉陽錯陰緣匪昔之天嗚呼秉彜拱善斯世壽德度功是亦有位含英咀華諸子百家淵淵其蓄用則孔多豈弟君子同聲萬口以是為年庶幾顏友玄房有石琢此銘章嗚呼秉

彙可謂不亡

朝列大夫僉漢中道廉訪司傅公墓誌銘

公諱昱字彥晦京兆華元縣人曾高而上世有隱德稱教義家祖汝礪陝西都轉運司經歷妣李氏考巖起中順大夫江東建康道肅政廉訪使號擴齋集賢學士勤齋蕭某誌其墓妣咸陽太君張氏以公貴贈也生二子公與弟承直郎奉元路總管府推官果俱以醇正守家法有聲搢紳間公自冠歲辟陝西漢中道廉訪司書吏

大德改元以貢掾工部二年轉樞密院令史既擢中書

省掾端敏詳慎無絲髮過兩府爭延舉之滿歲勅官承

務郎工部主事綜藝課功久鄉倚信焉至元元年陞奉

訓大夫陝西等處行尚書省左右司都事未幾改行中

書省都事蓋翺翔京秩者二十年展用鄉邦人甚榮之

公益自澡濯期光前武究心曹務詳整為百司倡上信

下服御史司臺尋以清望可肅風紀奏加奉直江南諸

道行御史臺監察御史按行廣東雖窮荒瘴毒之地身

皆歷之無所顧避一善必登一惡必黜風威肅然行臺
以舉職薦那拜都事延祐二年起朝列大夫居今職明
練治體正身率下不事苛細吏民稱頌焉歲除移疾還
家屏棄餘務專精醫藥疾已時與親賓談笑道舊故為
樂人皆期公旦暮當復用世至治辛酉夏四月九日忽
成疾須臾而逝享年六十八鄉士大夫來弔者哭必書
哀卜以其月三十日葬長安縣義陽鄉槐衙先瑩先夫
人楊氏祔贈太子少保潛齋文公之女懿德宜家今夫
人耶律氏中書左丞埒克之孫克盡婦道封咸陽縣君
二男曰順曰鐵牛耶律氏出也二女長適刑部掾馬榮
祖次適劉克敬公天資端靜寡言笑好學力行務見寔
用於書無不讀尤嗜易學又以餘力攻求法律本未使
不誤於操縱中順將終遺言孝弟忠信揚名顯親為能子
公敬服不怠居家治官見諸日用者皆是物也事宋夫
人能得懽心人不知其為繼母叔父客死廣東還自南臺
護柩返葬簿錄遺財歸其家初公疾既瘳適弟杲亦滿

秩日集外齋講論經史商畧古今課子侄讀書驩然粲然思文兩盡取友必端無汎交雜游清約自怡有無不恤也嗚呼善繼善述有如此者真不負能子之託矣而位不滿能年不輔德惜哉豈直以予游公兄弟間手府學正玉璫狀請誌其墓謹弟錄如右而系之以銘曰底法之基不難乎前堂構是期難乎令傳猗歟朝列矩方規圓擴齋堂堂久為象賢孰參省幕孰造臺聯朝議頡頏舍公孰先官學既昭家聲亦宣天於斯人胡不百年槐衙之阡草露林烟銘紀諸幽以告邈綿

耿彥清墓誌銘

至治元年七月承德郎肅州路府判耿君彥清以疾還奉元之里第浹自遂不起二十一日也既殯舅氏尚君彥誠導其孤某乞銘于予曰前幸銘其父矣敢以是并累子既不得辭則叙之曰君諱廷望彥清字也世為奉元人祖諱舜妣王氏考諱復享贈承務郎妣尚氏贈恭人君生至元甲子三月十二日於次為仲早自植立從

吏師之廉而平者習文法濟以勤敏聲稱右儔輩陝西
行尚書省選副掌儀局後二年以能舉職受安西王教
既擢掾行尚書省改中書省錄掾陞提控大德八年勅
從仕郎君延安延川縣應承事郎陝西行省管勾兼架
閣庫承務郎甘肅行省管兼架閣庫延祐五年加承
德受今職享年五十有八元配蔣氏前君三十三年卒
繼室李氏贈恭人卒今七年矣再娶劉氏封恭人子男
三月某女二長適高陵縣尉王欽亦前致次尚幼卜以
其年九月十五日葬君咸寧縣龍首鄉孟村先塋蔣氏
李氏祔君少孤自力于學事母能得其歡心天資強明
遇事審慎操筆行省者首尾餘十年有譽無疵其為縣
也惠利必興刑罰必當民有訢其夫赴兄之招數月不
歸者同僚或疑之君獨燭婦寃捕治具服蓋杯酒失意
毆死而并其尸其在肅州治行尤著他事糾紛不能決
者上官委辨前後盜至此君已試之大凡也耶其所已
試而知其未試者尚富有也嗚呼惜哉銘曰志行之卓

才識之強左右吾用允曰吏良維後有裕前亦有光孰
匪九原奚憾斯藏勿替而引善繼之望

李君文鄉墓誌銘

至治元年冬十二月五日乾士宇文鐸振之來謂予曰
武功李文鄉先生以十一月十五日疾卒于家鐸友其
子叔謙則往弔焉既致慰矣叔謙又哭拜稽顙跪而言
曰先君卜以十二月二十一日葬周鄉五渠磴先塋先
君之友今惟同贊善公在誌墓之辭舍公其孰歸叔謙

罪逆餘喘忍死朝夕不能遽違殯次匍匐往請振之能
為致此懇乎鐸既許諾是以來也予聞而驚呼為之泣
白前年文鄉來留止三教日握手道舊故為笑樂鬚髮
猶白黑相半神氣清徹顏如渥丹予謂文鄉福壽未艾
也孰謂此為終天之別耶嗚呼悲乎文鄉諱斐其先鳳
翔人祖諱義妣杜氏始家京兆之長安諱秀妣王氏
張氏再從武功昆弟五人文鄉居長慈祥孝友出於天
性事母張氏不和其為繼也勤以幹蠶儉以自奉其間

善也汲汲如不及其接物也休休如有容以故親踈貴賤皆愛重之敏而嗜學不懈寒暑六經史傳厯厯成誦間為辭章清婉可愛無泛交雜游一以誠敬為主在長安日獨與竇隱君長鄉雷都司季正乃予相往來文史之娛迨老不壓至元中陝西行省察其廉慎有心計兩檄領興元鳳翔稅司大德三年又檄領司竹益課集如期非所好也享年七十妻文氏柔順恭恪克相夫子子男五叔謙餘皆前卒女二長亦卒次適張璞孫男二衍衡女四周德趙思弼其婿也餘幼銘曰知圓義方仁愛禮恭均由性有匪賢曷克琦嗟文鄉盛美在躬勉勉循循一其初終七十為年壽非不融有子有孫吉非不逢相彼周原泉深土豐有斧其丘德人之宮

儒林郎馮君墓誌銘

至治元年辛酉封儒林郎馮君義年八十四以十月九日卒二年壬戌其妻恭人秦氏年八十四以正月七日卒蓋生同成戌而為夫婦者六十有八年壽祺之享恭

人雖差延一歲由辛酉之十迨壬戌之正纔三月耳立
春猶後四日是死亦同辛酉也長子翼霄時為樞密院
經歷聞喪來奔甫及門而母氏卒卜以二月十有一日
奠奉元咸寧縣春明門先塋同穴之期日不再吉嗚呼
此可謂同生復同死矣天壤間生民不為不多富而貴
者不為不衆君儒林夫婦結髮偕老生順死安幾何人
哉借曰天作之合而能者養之以福固非偶然也經歷
辱與予游泣拜以墓銘為請辭不獲命乃按事迹而叙

之君諱義其先慶陽人祖某父秀儀勸雄偉金末從軍
以挽強為衆所推其後轉徙平陽亂定西歸始家奉元
乃輦父喪慶陽葬今春明門之塋為始祖焉妣馬氏生
四男君為仲子天性孝友竭力以養父母不使其勞
兄貴窘乏輒振業之公賦雜擾不以相及歿則與其嫂
合葬焉二弟頤慶幼以成學長以成室皆已力頤今為
南漳縣尹恭人家素貧君為買屋迎養其祖父母歿又
營葬禮沿鄉鄰信孚朋友蚤業商賈剛直好義凡利交

者有取無怨行旅往來不能以歸必贖遺之故人無遠
近親疎皆愛重焉敬恭神祇朝夕熏修迨老如一日恭
人早孤母郭氏年十有七歸儒林淑慎端潔事舅姑以
孝謹相夫子以勤儉衣服飲食之須蠶桑織績之務躬
自劬瘁不以委人孺林得以專理外事獲受於宗族鄉
黨者恭人之助與為多焉叔慶生乏乳飲恭人乳之撫
有二子慈不失義督之就學至斥奩且以奉師儒故今
卓卓以有見於世者如此恭人之教也生子四男二翼
霄承德郎樞密院經歷翼雲陝西漢中道肅政廉訪司
書吏女二務使姚信成寧尉吏由榮其婚也孫男五某
某女二長適太平路教授劉惟孝次在室延祐乙卯朝
廷推恩臣下以勸忠孝文武內外官皆許褒封父母經
歷以中左司都事務是有儒林恭人之命及來為陝西
行省幕長二老人者拜恩家庭龐眉鶴髮夫前婦後及
門賀者上而省臺下而鄉里指紳韋布之士肩摩踵接
莫不咨賞歎息願有子如經歷有父母如儒林恭人也

嗚呼積孝累義克有令子殊思異數增華耄年考終厥命二壽同歸世所願欲一無憾矣是宜銘銘曰良人者何曰和而義柔而能正婦德之懿嘉耦曰配古難其逢儒林恭人斯媪斯翁天錫賢子鵷聯鷺選遂都榮名以燕眉壽樂哉九原二壽同藏勸善有銘無窮是彰

封奉議大夫張君墓誌銘

君諱德明字彥明世為耀之三原人祖順妣馬氏考貴魁偉好義有稱族黨間壽八十四以終太子論德勤齋

蕭公為碣其墓凡三配孟氏楊氏君之母白氏壽亦八

十八君淳試靖厚早知讀書遵軌度篤於愛親不忍暫

去左右名宦所邇未嘗萌念及伐家政輕財重義先人

後已曰此吾父宿昔所事不敢忘也宗族鄉黨均憂共

樂張某家貧嫁娶仍數積負久而為數夥一不責償縣

人李巴子雲陽李二皆僕隸事人謀欲民成其家聞君

之風往請焉即以楮錢萬有千緡昇之且為經紀生業

豈特出濟人利物之本心而然歟亦無改於父之道為

孟莊子老也又其大者謂師道不宗無以裨教化善風俗乃捐金倡縣侯買地龍橋鎮東南為畝若干創夫子廟締構像設之費出己力者又十之五遠近觀感爭遺子弟讀書庠聲序音聞蔚有士俗茲非由君能仁有以發之耶治家勤而有節儉而中禮祭祀致孝燕享致豐誠以與人敬以特已鄉邦無賢愚皆推為長者名公鉅入蓋嘗紀贊其行教飭諸子擇賢師友與之游處使知故人修身之學故四子皆植植有立而子季世榮允物望僉海北廣東道肅政廉訪司事君由是得封奉議大夫信州路鉛山州知州駙騎尉涇陽縣子受封之日親踈遠近莫不榮賀謂天道雖曰好還而享有備福蓋千有而不一二得也治至二年二月二十有七日疾終正寢壽七十有九配李氏贈涇陽縣君笄年歸奉議柔順恭恪克修內事前十二月卒子男四世英同知鐵州軍民事世昌敦武校尉禮店文州蒙古漢軍西蕃軍民千戶所副千戶世傑承務郎同知松潘客疊威茂等

處軍民安撫使世榮承務郎僉憲也女二長適王某次
適朱安仁孫男五信儼俊徹燕孫女十曾孫男二女二
世英等將以是年五月九日與其母涇陽縣君合葬於
縣之常平鄉悌友村祖塋之次俾世昌子徹來謁銘奉
議長予十歲辱以禮接歲時遣子若孫相問勞終繹不
絕此意厚矣其敢以蕪陋辭銘曰乾父坤母孰匪其子
疾痛在躬曷間彼己維奉議君洞識天昇推吾是心以
濟前美誦聲洋洋我鄉我里德風一行庶善草靡四孝
聯飛家聲日起夫誰使然神監照只既服榮名亦膺壽
祉不亡者存百世令軌

欽定四庫全書

槩菴集卷九

誌銘

司竹監提領君墓誌銘

元同怒撰

君性鄭氏諱思溫字彥容世家京兆魯祖安仁妣李氏
 祖珍妣呂氏生三子長曰鈞平陽路拘攢解鹽副使君
 之考也妣曹氏生而淳靖端謹不妄言笑祖父母鍾愛
 之常曰能世吾家者必此兒也既就學日受業必精熟

然後已同硯席者戲笑於其側若不聞知或犯之亦不與校鄉先生每舉以厲不率教者年甫及冠家事臣細即能以身任不勞其父篤實勤敏綜理周密故袒父母樂其有後而拘擢君安享終身焉蓋君資受殊常生長富驕而恭儉自將不踐舊迹而動皆中禮事繼母道宗族稱孝異母弟思恭不安序教君一接以友愛進之官學供應備至其卒也哭之如同生內而宗親外而姍戚與凡鄉黨鄰里之交情之孚洽微我有咎行省察其有鄉譽可任使也徵為京北路解鹽倉使歷總庫副使者再同行鹽使領者再皆以集辨稱至治二年七月十有二日疾卒長安縣之居第享年六十有七初娶王氏周州判官鑄之女生男一日耀女一嫁張珍皆先歿再娶任氏前二年卒生男二日翼曰兌孫男二女一翼以其年十月初六日庚午葬君咸寧縣白鹿鄉白鹿原宗在新瑩王氏任氏村以予與君嘗同遊頤齋張先生之門泣拜請銘義哥辭迺為銘白播構兢兢祖武是繩孝友

蒸蒸家道以寧鄉無疵議宗有賢稱展如彥容可曰德成相彼鹿原山環水縈四尺之封尚固千齡

李登仕墓誌銘

君諱餘慶字某其先威寧人曾祖英金天成縣君祖資祿士申歲偕劉忠順公歸義太祖皇帝詔為四川征行千戶佩銀符遂來關中上籍奉元有子八人祖妣關氏生二子長義襲職千戶次祥君之考也義死王事以祥世其職沈勇好謀數戰有功賞換金符兄子世昌既成

長讓職家居優游終老年八十七以卒妣毛氏君生而純秀練達時務安西王胙土於秦辟相府使臣至元十七年詔王相李忠宣公赴思播分黃平鎮遠田以君從行至則招攜懷遠君亦與有方勞勅將仕佐郎王安雷平縣簿十九年也再主郟陽縣簿歷錄事司判官轉登仕佐郎興元路金州判官年四十八以大德四年六月十五日卒君天性孝慈寬裕有容在官以勤慎篤實為主本明悟先覺人亦莫之能欺故上官信任不疑而

民之被其惠利者久而後益知其不可復得也輕財重
義一諾之許千金不移嗚呼才用未周天運奪之得不
為良士惜乎妻張氏柔賢宜家有稱姍族後君廿二年
當至治二年八月廿五日卒壽七十有二子男四長泰
將仕郎涇州判官次萃早世次華寶儀庫大使次昇泰
州豐積庫大使前母氏一月卒女一適曹季文孫男八
女五惟李氏先塋在咸寧縣宣平坊北域迫隘不可復
祔將仕乃卜地於龍首鄉神谷子別業以至治二年十
一月廿八日徙其祖考妣為新塋始禭登仕消母張
氏之喪合葬焉前事介五友安君士寧承乞銘乃為銘
曰李氏之先世以勞顯維登仕君邁跡吏選其心休休
其躬勉勉上信不懷官議無貶謂日千里驥足是展纜
佐一州遽誦知勉龍首新所葬從父寔洛爾後人遺休
之衍

封承直郎國子監丞李公墓誌銘

泰定三年秋八月十有四日承直郎國子監承李公卒

年八十有二遠近聞者莫不驚惋嘆息謂老成云亡安
所務式蓋善信之美積躬者厚儀形之瞻服德者深也
公諱禎字善之其先上京黃龍典江人由其祖稅使君
自河南寶豐徙家安西爵世名行具慵齋先生楊君教
授誌墓之言考諱珪安西府軍器庫大使妣史氏生二
子公其仲也端謹溫厚由性而然自幼學至冠昏未嘗
有子弟過以貽父母憂孝友純至父母既歿事其兄如
事其父兄長公六歲迄今率三五日一往候之敬順有
加高曾而下皆以勇路著名當世稅使君嘗中金武舉
至公獨儒雅自將雖詩書家子孫皆自以為不乃神秀
內裕遇事明審吏學言務有餘起家將仕佐郎陝西五
路蒙古鄂鄂總管府經歷非所好也至元戊子興元有
囚罪當死朝廷遣使臨決行省檄公偕往至則公具得
其情蓋因毆妻誤傷主母非故也獄辭再上刑部卒論
減死用心忠敬舉此可見秩滿即營治別業極力教子
為終老計時年未五十作亭面南山竹樹環拱日讀書

其中自號雲中間雙當其適意時輒有詩歌陶寫襟靈未嘗出以示人人或得之意必高人勝士天機醇深者之言初不知為公筆也時居城中賓禮文舊杖屨往來言笑衍衍略無老人倦勤意度進止益恭儉而用禮以持其家嚴而有恩以御其下內外之治整如肅如諸子競爽方昌於用秦定甲子以仲子貴享有是封歲時列侍左右命服壽中和之氣薰然一堂箕疇五福公獨多馬豈弟君子福祿攸降信哉斯言至是得微疾遂以不起元配劉氏贈恭人淑慎媿德先三十四年卒繼室茹氏封恭人亦前二年卒子男五秉彛從仕郎奉先路醴泉縣尹秉中承直郎內臺監察御史僉陝西漢中道肅政廉訪司事秉義河西隴北道肅政廉訪司掾秉元篤學蚤世集賢大學士方齋郭公為作哀辭秉新鞏昌總帥府奏差女一適張德皆劉出也孫男五溫良恭挺保溫恭亦蚤世女三二適良族一尚幼曾孫男二八十八寔寔從仕兄弟卜以其年九月廿日葬公長長安縣義陽

鄉北里先塋恭入劉茹祔焉前事哀經踵門拜且泣曰
先人墓石不可無辭知先人者莫若先生幸哀而賜之
銘某辱公忘年禮接獲預文遊之未迺不敢終辭敬為
銘曰天維顯思日監在茲我者培之夫豈吾私維豕直
公金良玉美惴惴名場恂恂鄉里詩書詠歌我性我情禮
義綢繆我友我朋安享褒封有賢諸子祿養雍容紆朱
曳紫八十二年百順斯全葬從其先夫何憾焉

耶律濮國威愍公墓誌銘

公遼人諱蒙固岱太傅濮國公諱珠格之孫太傅濮國
公諱寶童之家嗣妣夫人聶赫氏以庚戌歲九月二十
日生公京兆治九耀里沈雄有膽略才稱一世中統元
年公徙居蜀弟未冠拜懷遠大將軍管軍萬戶時朝廷
方有事西南蜀城猶未盡下公奮武出奇下重慶瀘州
諸城戰勞居多至元二十一年遷雲南都元帥引兵萬
人攻緬夷轉鬪深入殺擄諸種幾盡二十四年浮海攻
交趾大破其軍奪戰艦千艘夷卒水死者十六七鎮南

王賞金幣副總以旌其能大德四年起鎮國上將軍大理金齒等處宣慰使都元帥以功獲上賜白金五十兩金幣副總一金鞍一九年將兵二萬征普安臨安諸蠻書夜不解甲一日之間合戰者九破軍殺帥不可數計賊勢遂不復振十年授驃騎衛上將軍遙授行中書省左丞行大理金齒等處宣慰使都元帥上嘉其服勞動遠獲獲賜金幣副總二公久居瘴地感觸成疾遂以十一年四月八日卒于軍享年五十有八其地則雲南大

吉州也公結髮從軍為年四十嚴部伍謹訓練信賞必罰識機知變休兵則愛克厥威臨敵則威克厥愛以故士卒精白一心樂與翰力戰勝攻取未嘗挫衄上有以暢皇威下有以光祖烈斯所謂忠孝兩盡者非耶皇慶二年贈公龍虎衛上將軍行省平章政事濮國公諡威愍先夫人梁氏四州千戶某之女無子夫人王氏咨議英之長女封濮國太夫人勤明淑慎習訓儒家威愍既許身殉國不遑問家事日用益窘夫人冒寒暑躬先婢

使紡績織紝以佐寡乏又時遣人送鞍馬給邊費使威
愍無內顧之憂延師教子禮族接賓無一不得其宜嗚
呼賢哉後公八年當延祐二年六月二十六日卒成都
居第之內寢壽六十有四生子二人長和尼齊宣武將
軍船橋萬戶府達魯噶齊次旺北勒布哈懷大將軍雲
南諸路軍馬右副都元帥蚤卒孫男二宣武將以秦定
四年閏九月二十一日葬公咸寧縣洪固鄉韋曲村太
傅墓次梁夫人王夫人祔焉先事拜懇請銘某不得辭
也謹為次第之銘曰鳳不產雉麟不生羊烈烈威愍太
傅之光鬣彼兩髦奮迹戎行首事西蜀我武惟揚緬趾
兩安此界爾驪白羽一麾藩撤籬之寵錫便藩奏功廟
堂熊旗旆旆虎節煌煌如何昊天奪我將良三軍縞素
霧慘雲傷篤哉孝嗣歸骨先藏塚詩云石奕葉垂芳

李君和甫墓誌銘

君諱用字和甫姓李氏其先太原文水入由其祖雪谿
公兵後徙籍晉寧至和甫始家奉元高祖順曾祖寬祖

庭秀河東行中書省左右司郎中號雪谿有子八和甫
之考思義行第七妣劉氏蚤卒和甫明敏謹慎臨事不
苟自幼而然年方踰冠悼其家運中衰諸父伯季死亡
幾盡其父又轉客潭州不得以時歸輒感憤掇拾遺餘
服賈西來關中土壤深原水泉甘美慨然有再家之志
遂輦致妻子當涉湖湘以迎親為事至則口累頗衆親
意重遷而道里之費無所於取謂和甫曰我思見而婦
而子輩然後同歸何如和甫恐傷親意再挈妻子就養
于潭閱年六七航海歷交趾諸國貨入優裕私自慶曰
有以資吾父矣持還上之得侍以歸恭敬子職十餘年
間曰之晨昏時之寒暑不使其親意有小不得者其歿
也賈地咸寧縣龍首鄉鐵爐坳西原喪葬之具必誠必
信又竭其力徙晉寧之藏雪谿而下十八喪與其父族
葬之此其為孝何如也與人交以忠信不欺為主寧人
負我無我負人故凡與共事者久而益相敬寧在潭州
日知鸞茶可為業率數歲一往返茶戶夏南鄉以茶數

百引委和甫并售奉元約曰明年我當往受直閱再歲不果來聞其人已死和甫謂人以信士待我我以仕士報之悉橐緡錢送至其家其守義不回類如此鄰里鄉黨均憂其樂享年六十以泰定四年冬十月二十一日疾卒于家妻張氏淑慎能孝克相夫賢子男三長德耀次某某女四長適徐敬次偕蚤世德輝將以其年十二月三日葬君鐵爐原墓次前事來請銘泣拜言曰先君之葬曾祖也嘗句言門下以表墓道先君艱難創業積功累善生先實知之不勤諸石以慰泉壤德輝不孝之中又不孝焉何名為孝先生其哀之子素竒和甫為人事行可書者非一姑掇其大者著而論之曰孟子有言事孰為大事親為大守孰為大守身為大嗟哉和甫弱歲毅然志在立家跋涉萬里悉智畢力而能卒歸其親娛養終身收亡合散使祖魂宗魄永安乎深厚蒼蔚之地可謂能事親矣仁義忠信以寶其內謙卑巽順以華其外不論不瀆無怨無惡蓋棺之日主鄉論者謂百年

之生獨和甫為完人可謂能守矣獨其年之不羸若可憾者蓋二五錯綜誰實司之在和甫則無憾焉是為銘
故張君彥謨誌銘

至元丙子王師問罪江南大州十邑四民子弟無少長悉為人所俘獲流離播遷之餘可務可哀益不勝道能卒究其身於素患難者千百不一二見况能以亡國之末裔為起家之始祖有田有廬復修祀事于日月光華之世如吾張君彥謨者可雨有乎孟子謂人之有德慧術智者恒存乎疾疫揆諸彥謨信矣哉君諱誠字彥謨以彥鄉行襲謚故也信州上饒焦石里人高祖五十六公曾祖小二公祖省二公考省十六公妣陳氏君孀提失父獨依母居年十三遭亂來闕中母子由是不相聞知恪謹小心服勤鉅家鉅家愛之如子弟撰教言敏悟周知四方物土美惡觀時取予不失毫分遂致饒用每言及母未嘗不流涕上饒距闕中七千餘里行商往來率數歲一至必厚禮哀懇俾詞母存亡大德初君既得自

便葉姓兄弟至知母陳在家卧疾聞有子信感極遂不起君號慟者累日輒奔往以其喪衬焦石十六公之墓益重先塋下敢以兩親之柩北徙其德禮哉族喪在殯皆為葬之從弟福四過時下婚禮娶良家田廬為他姓有者悉購得之規為祭田終喪三年然後歸買田下邳為子孫遠業田祖取鄉例之半凶年飢歲緩責紓逋嚴于教子資其讀書籍員國學閨門之內以身為準賓祭慶弔品節得宜豐儉中禮尊賢敬老道過餘杭日國中

耆儒孫敬禮之子伯明遠遊不能歸告之子君君念此老無他子姓備養分索鏹千五百緡畀之迄終養不責償年踰五十慨然嘆曰人壽幾何乃終後于物邪即以家事付其子優游自適士大夫亦樂與之交致和改元五月十一日疾終肅清里之居第享年六十有五以其年七月二十有四日葬咸寧縣洪固鄉樂遊園新塋妻朱氏子男四淳遵遺訓融蚤失冲力學有聞兩預鄉薦女二長適耶律諒亦前逝次適石克禮君天資淵實濟

以明亮文史醫卜之用亦願其要雖善心計未嘗以得失為累始有居積為里中兒盜去君初若不知既出其物以之市衆謂宜訟之官君曰慢藏誨盜我之過也其性度如此至是冲由刑部掾來奔喪錄君行實求銘于予予辱君禮接嘗與冲從事於講習間所不得辭也銘曰飄風板林本揭枝顛有我者培天心可觀猗嗟張君奮由艱難入一已百惟力是殫我父我母松楸祔安我子我孫桑梓計完孝無遺悔慈有令傳求若為生誰今百

年樂遊之瑩肇自我先龜吉筮良之慶之延

承務西郎和州同知雷君墓誌銘

明道先生有言一命之士苟存心於愛物於人必有所濟進而上之其濟衆矣夫以仁存心然後愛物跡其職分觀其設施則人之仁不仁可知已若今之為吏能仁其職以厭衆心者雷君是也初為司獄守以廉勤行以公怒囚有冤繫者君君得其情必反覆白府屬俾申正夏則洒掃囹圄冬則繕完藁守卒不敢肆為陵暴始

終十年如一日。因既受罰，無輕重必致拜于前，以謝務。愍省臺咨賞焉。一正縣務，再佐州事，急於撫字，緩於催科，勸農桑以厚民生，崇教化以正民俗，扞擻無草竊之姦，簿領無舞文之吏，善類氣伸，不仁者遠。憲司才其能而潔其行，它訟之疑誤積滯，不能以時決者，必委君裁處。悉心窮審，皆得情要，最四十餘。是嗚呼使任鄉大夫之貴，達其道於四方，何所事而不濟乎！其子德誦，手君行實，且致遺命來請銘。敢質諸見聞，叙而論之。用世本

未第錄如左。君諱裕，字順理，耀州同官縣雷平川人。曾祖遠，徙居高陵之毗沙鎮。祖定，考貴，卒郿州洛川。簿潛齋楊文康公為之銘。妣杜氏，兄弟六人，君序居四。明敏信厚，生有淑質，讀書力行，志尚修遠。至元甲申，陝漢道宣慰司辟為奏，嗟再擢四川等處行中書省宣使。大德辛丑，勅進義副尉安西路司獄。皇慶癸丑，改忠翊校尉。成州判官。延祐丙辰，陞承事郎。延安定縣尹，承務郎。同知西州事。泰定甲子也。致和改元，以年及致仕。秋九

月十有七日疾卒于家十一月三日葬鎮北慶安鄉先
塋妻路氏蚤卒繼張繼李子男八人德誦德諄德諄德
議德諄德諄安定八兒女二人長適本位下總管李秀
次適王文忠孫男九女四君族盛而蕃兄弟皆載名仕
版孝友雍睦聞于鄉拜君在安西時味之嘉必遺至母
所弟臨潼尉禎賞病疫君即往省視又護居寓舍躬親
粥藥如是者累月鄉黨朋友禮周義洽救災卹患出處
如此是可銘已銘曰古之君子學道愛人史氏褒善筆
之曰循賢哉承務路義宅仁幽草亦知時有陽春于縣
于州民氣以振余下負丞士論所均慶安之原有族其
墳斯銘斯藏允無愧文

永事郎常謙墓誌銘

三代以降取人者類以奇偉豪俊為稱求之詩書但曰
吉士良士常人善人蓋是四者名異而實同彼其慈祥
豈第溫厚和平天機固已不淺反究其用如菽粟布帛
世可一日而無哉自予得友常君敬甫始終幾三十年

備五性之哀連五品之遜內外無一不宜者每竊幸歎
古所謂良士吉士其可貴蓋如此皎其行以取聞直道
之世所不與也壽享今七十有三當天曆二年二月二
日卒藍田居寢之正仲子冲卜其年月十有六日葬大
咸寧縣洪固鄉新開門北原先塋以刑部掾張冲叔靜
狀來請銘君諱謙敬甫字也其先河南人曾祖瑩祖繇
太原徙中山祖晦遂於醫考慶祚盡得父學以日醫晉名
世供奉太醫院至元十一年有旨侍皇子安西王邸

官醫愈郎王府醫藥提舉始徙家關中妣楊氏君生有
淑質讀書穎過人能用法提舉公以母老就養王教
郎擬君襲職大德元年擢從仕郎開成路總管府判官
皇慶二年改承事郎華陽新津民匠長官疾辭不赴延
祐四年以故官授陝西興元長官滿歲郎謝事歸老玉
出別業夜勤食力休休自將若不預世故者如事十有
餘年配杜氏慎慎恭儉有美族姻前君十一年卒今合
葬焉子男二長曰中來邁善學御藥試中第一人仁廟

嘗賞其能將被命服而歿識者痛惜之次曰冲有行有文縉紳推重三辟魯齋書院山長女一適趙氏子育孫男而規矩女三長許嫁裴氏餘在室君易直有容言由心出已未嘗負人亦未嘗虞人欺已鍼藥之功貴賤如一至於救患不以媒利遠近交際皆推為信厚長者至性孝友兩親年皆耄老先意承志動中所欲在開成日間提舉公有微疾輒棄官歸家飲食藥餌必新嘗拜祭祭祀必如禮篤愛弟謀思文曲盡教子力學慈亦掩義善遇僮使未嘗輕肆怒罵曰均是人也士芥視之不已甚乎其原於此心者類若是議者謂君積之甚豐取之甚嗇造物之用不樂於儉乎然永錫祚胤有賢以昌厥後其福善固不淺矣銘曰仰事俯育孝而慈居官守職公滅私以友則信弟則怡琴瑟靜好家室宜父書能讀傳與微王邸籍籍聲四馳也平生所履觀若斯謂之吉吉士非君誰

奉訓大夫致仕雷君墓誌銘

天曆三年二月九日奉訓大夫耀州知州致雷君卒其子德議等卜以三月十二日葬本縣慶安鄉塢原先塋持君行實來致哀懇曰兩叔父之葬得先生銘有以昭諸幽矣先君之銘舍先生其誰託予與君兄弟義識有素其何辭君諱禧字致福其先家耀州同官縣雷軍川曾大父遠徙高陵縣毗沙鎮大父定全未逃難亂定來歸父貴筮仕至元初厯主四縣簿尉有聲稱潛齋楊文康公誌其墓以君致仕恩贈奉訓大夫華州知州飛騎尉高陵縣男母杜氏高陵縣君君以甲寅歲八月二十日生兄弟六人君次居三在幼勤敏疑然知成人受學潛齋公之門朝程暮課不廢寒暑至元十九年王相府辟典藏司史二十五年勅奉天縣主簿兼尉三十一
年調渭南縣大德四年官將仕佐郎主縣簿九年改登仕佐郎主長安縣簿厯職四縣清整有加并聚撤守望之嚴犴獄無呻吟之繫縣政益精明而令長得毗助矣至大元年陞從仕郎監田縣尹皇慶二年轉承事郎

尹三原縣君既正縣治首以裕民為務教養科條井井有法勤農桑使民有儲蓄而無水旱之憂謹庠序使民知禮義而無法禁之冒宗獎善良扶掖貧弱有古賢令之風行省行臺列上薦牘至治二年進承無郎同知金州事年及告老綸命超榮致仕思數泰定三年也君天資溫原勤整治尚安靜務使實惠及民不挾術以干譽故民皆愛戴既去懷思愈久而愈不忘吏亦感誨論之誠不忍輕犯約束也謝事家居猶嗜書不倦間與親賓談笑道舊故為樂待族黨恩義尤篤憂喜同之享年七十有七娶羅氏贈高陵縣君淑慎端靜克相夫賢前君五年卒子八人男三長德誼中部縣尉次德詢次德謙承務郎寧遠縣戶女五鄂勒千戶羅某馬某楊某劉某張某其婚也君兄弟子姪蕃衍秀茂藹藹著譽鄉評言積慶者必以高陵雷氏為口實銘曰為官擇人若稽前代曰守曰令其難其最邦之安危民之否泰母曰徒榮任孰與大奉訓恂恂雅其所在政簡刑清仁逐義泐鸞

杞曰棗製錦者再來形暮歌去有貴愛纔佐一州我日
斯邁位不滿能時所同慨七十七年無然無慙誰傳吏
循我銘其際

欽定四庫全書

槩菴集卷十

頌

臨潼縣尹馬君去思頌

元 同恕 撰

邑有劇易吏有能否生民慘舒之繫莫令為急京兆屬
縣十二治稱難者有四曰咸寧曰長安咸寧之東曰臨
潼長安之西曰咸陽咸長左右大府百為所資令或日
不暇食然歷之以尊官令行禁止壯之以版籍賦散役

分苟有勤上恤下之心勢若不難為者咸陽之與臨潼雖均當東西孔道往來者之所出入咸陽去府為里四十輶傳所經不過一飯之頃輒去獨渭渡為湏臾之擾耳乃若臨潼適行者一舍之中由朝廷故總司使出道東者十常七八且又故唐離宮華清溫泉所在侯王將相監司郡守東而西西而東者沐浴馬遊觀馬事嚴且更日稍緩則信宿其送往迎來日無虛時大則為安西邸朝覲齋祓之所然則供億之湏力役之用視咸陽則

曹鄴視咸長則魯衛矣欲民之舒不尤難乎城郭市聚大邑一丘樊耳人不完衣居不完屋往往久於騷繹散之他土以故令之得是邑者勉勉自持不以罪去為幸其能使上歡下洽吏戢民恬取有制而用有節刑不煩而頌不作官則心服去則惠懷進義馬君百福一人也君以世族克自樹立受知左山商公一亞工事再倅州治矣以至元癸未六月實來首剗政之蠹民者異時經用官給綿錢三可支一餘悉賦之民仍不授符以避劾

吏旁緣為姦脅持巧取闔境無寧家君慮賦之則民傷不賦則官慮乃隱覈滲漏及吏率贖過金為市畜種給豪戶有牧地者歲約取字育之半人不病而反利矣醪醴之酤帳御之備下逮芻藁色色有法吏不得私時王相開府冠蓋雲合往來無間言而民安如故沈毅端審望之人畏吏毫髮不敢欺租賦必差戶之強弱徵役必均力之衆寡號令一出翕然無異辭尤精折獄囚無久繫或決之馬下皆含笑受罰上官竒其才疑獄輒屬君

按訊輕重情得邑民劉某利女氏貨誘使歸寧殺之中路沈其屍於河反誣舅姑為虐其婦使失所在有司以父必不賊子欲致舅姑法辯久不決君聽其辭察其色即指曰而殺而女斥取榜具遂款服無他觀者駭愕咸以神目君退食蕭然門無雜客或病其寡乏弗敢餉也勞農勸學旌善別惡飾公宇以壯觀聽宗禮殿以本教化民皆有父之尊有母之親總司以治績薦擢本郡推官吏民奔餞肴酒盈路瞻望車塵皆號哭不忍歸嘗觀

為政者也他事或可述致民心必不可俸得整暇或可為肯綮必不能游刃法自心成功隨事著若公其能吏哉今令馬敦武某主簿揚某仰止高山光昭前德合辭俾某篆石某謂進義之微蹤兩賢之樂善是皆宜書以勸來者屬筆於某其如不稱何主簿君妹婿也終不得以蕪陋辭乃採輿言為作頌曰先聖有言不患無位視所以立位則不愧表表進義粹矣所鍾奮由紈綺矩步規蹤尹我潼民三年一刈曷楨而生曷藥而疾迺究迺度迺紀網迺牛我田我桑如是而徭如是而賦定我章程吏或敢侮罪兮斯得狂兮斯申控犴幽陰歛兮陽春絃歌載路百里之土雨暘無愆百里之天湛乎淵澄溫乎玉瑩我思古人卓魯其並驅山蒼蒼溫流湯湯清風穆如嗚呼不忘

贊

房母畫像贊

處為孝女出為孝婦求之閨門不一二有此淑慎其身

為政者也他事或可述致民心必不可俾得整暇或可為肯綮必不能游刃法自心成功隨事著若公其能吏哉今令馬敦武某主簿揚某仰止高山光昭前德合辭俾某篆石某謂進義之微蹤兩賢之樂善是皆宜書以勸來者屬筆於某其如不稱何主簿君妹婿也終不得以蕪陋辭乃採輿言為作頌曰先聖有言不患無位視所以立位則不愧表表進義粹矣所鍾奮由紉綺矩步規蹤尹我潼民三年一日曷楨而生曷藥而疾迺究迺度迺紀通迺綱迺牛我田迺蠶我桑如是而徭如是而賦定我章程吏或敢侮罪兮斯得狂兮斯申控犴幽陰歛兮陽春絃歌載路百里之土雨暘無愆百里之天湛乎淵澄溫乎玉瑩我思古人卓魯其並驅山蒼蒼溫流湯湯清風穆如嗚呼不忘

贊

房母畫像贊

處為孝女出為孝婦求之閨門不一二有此淑慎其身

者所以為德之茂五子愉愉扶前持後孫曾卅人頡頏
左右思永範於厥家象柔儀於繪副庶歲時之致嚴如
瞻對乎壽母

張嘉儀畫儀贊

鬱鬱乎挺拔於歲寒者此栢松後凋之氣人得以見其
形儀也淵淵乎渟滄於澤深者此川流不息之用人莫
能測其心思也豈弟君子麟鳳其祥龍虎其威雖知周
萬物道濟天下未極乎肱股耳目之資而憂民之憂樂
民之樂邁迹乎神明慈惠之師我思古人將孰與事謂
漢之趙張三王公則姑舍而不為若周之方叔名虎謂
伯仲之間見公者公亦不得而辭之也嗚呼

李平章秋谷贊

於穆聖心全體太極好善忘勢前無古昔矧我師臣密
侍經席眷注綢繆宜莫與匹迺濡瑞毫象儀是飾迺運
寶鋒號局斯勒天巧焜煌山人說懌對敬顯休臣敢不
力維此山人孔門之特道行與行無身有國昔也龍淵

以羽以翼今焉鳳池伊契伊稷培植太平仁膏義澤在
谷滿谷孰匪秋獲猗歟盛明得士之吉萃萃萋萋以頌
無斁

雷季正畫像贊

愉愉乎其不敢惰者事親之經也侃侃乎其不可撓者
與人之方也觀於此而有所得也亦足以想像其輝光
也若夫學問之淵而黽勉如不及特守之固而奮迅以
自彊則他日之所著見所謂碎然盎然者又豈鄙薄之
所可量耶嘻

韋國器畫像贊

孝弟以端其本謹信以達其行斯可欲之為善孰若君
有鄉評偉圖形之得妙對言笑於平生白鶴壽兮千歲
鍾陰秀而陽清

祈文

祈雨文

維元貞二年某官等致祭于五臺曰靈山巨區能興雲

致雨所以相有司福生民者也有司之不職罰有餘責
矣今也自春徂夏雨不時若耕夫力作土壤深細束手
仰視以待播種神於此時尚不加恤民將何依乎走祠
致誠祈賜矜閔澤我饑民更後旬時不惟秋種失望夏
麥之成亦無及矣神終無意於斯民乎惟神其念之尚
饗

西嶽祈雨文

維大元致和元年七月二十二日某官敢昭告于西嶽
金天大利順聖帝維天地以雄尊浩大之氣結而為山
分鎮五方神之所分乃在西土是天以水旱豐凶疾疫
災祥之變付之神嶽使通融消息以陰陽此下民也陝
西行省所統近在眉睫之間几席之下尤神所易見也
三四年來旱魃為虐_虐有夏無秋有秋無夏饑吻罄罄蓋
不勝若今年之旱勢益酷烈麩麥之入僅具斗升自四
月至于今七月雲雨之興曾不一二時赫日炎炎如焚
如燎黍稷之苗十死八九是無夏又無秋也民將何以

為命乎麥秋之期近在旦夕看此氣象敢有準擬民今
 扶老攜幼流離播散縣邑為之一空某受聖天子之命
 撫治行省失政之罪其又奚言夙夜戰兢不敢寧處齋
 被一心徧禱羣祀兩月之乆未獲昭答雲暫合而復開
 風隨怒而疾作豈上天之意未欲悔禍仰忱誠之感有
 所未致至歟竊獨念惟獄神之靈實主此邦控訴煩瀆不專
 於是得不為昧其所乎是用

語瀝此危苦神其哀憫為象請命納恒賜於六幽出伏
 陰於九地使千里之土浸淫澍澤垂死之民再萌生意
 則豈惟眇末之責庶幾少緩而神受天地之職以相吾
 君者亦可以盡其分矣謹告

祭文

祭王文振文

維至元二十八年同某謹奉香酒時菓之奠告于亡友
 嘉興府錄事判官文振王兄之靈曰嗚呼乾坤儲秀賦
 予不群鳥得為鳳獸得為麟百千年所一二其人下而

願顯上而淵參珪璋雖異良玉是均我兄之出孕厥精
真爰自童丕克好人倫擇足而蹈擇口而云左經右史
宵誦達晨迨知取舍非聖不遵波騰衆議萬仞嶙峋或
圖于壁或揭于門毫觀縷察明善誠身內腴磅礴酬酢
如春嘉陽小試民用以新于臺于府交口稱珍幡然歸
養絕足措紳益紬舊學以究未醇惟我與兄蚤同硯席
兄走十尋我不能尺不我是遺情好日審目青為奇神
吟一室枉駕來抒握手歎息示我新篇副以鄧菊毅子
誦旁炎煩頓釋喟彼簞歌絕塵莫及三復斯言可驗學
力曾幾何時遽聞卧疾奮坐驚呼遺問是亟天不可忱
奇禍竟即嗚呼痛哉德也何豐壽也何嗇會是蕙蘭不
如茨棘幾世幾年此氣復集嗚呼痛哉問不覘形哭不
撫篲頃刻衡茅終天永隔我罪何言我情何極酌觴几
筵雷號雨泣靈兮昭昭克監予臆尚饗

告廟祭文

維至大四年八月日孝孫恕敢昭告于高會祖考府君

高會祖妣夫人恕以二十二日蒙恩授儒林郎國子司業恕不孝不能蚤自植立以承先訓無學無才叨被寵命微先德而敷祐之豈宜有此奉受之初追念罔極不勝痛感謹以清酌庶羞用伸虔告伏惟尚饗

顯考改主祭文

維年月日孝子恕敢昭告于顯考玉山先生顯妣張氏夫人奉四月日制書贈顯考亞中大夫集賢直學士輕車都尉追封京兆郡侯顯妣京兆夫人恕不孝罪深不能奉承先訓蚤自樹立以備一日之祿養晚叨名命備員春宮適遇國家需恩幽顯以勸忠孝有此褒贈義教所賴也德蔭所及也永惟惡逆不如無生嗚呼痛哉謹白

亡妻改主祭文

維年月日夫恕敢昭告于顯嬪朱氏夫人奉四月日制書追封汝京兆郡夫人恕以延祐六年祇奉召命備位宮臣國家恩及幽漠有此褒贈生同其艱而不得同其

慶哀可言邪謹告

欽定四庫全書

梁菴集卷十一

元同恕撰

五言古詩

焦潤之覺齋

民生天地間厥初靡不一二五相盪靡厚薄迺陰陽巧
智覲非分良心遂淪失憂勞迷所安性命推甲乙焦卿
何許來袖有五禽術一剖禍福源恍若起沉疾堂堂左
山公龍虎掞巨筆扁榜豈漫然深哀待君述

讀考亭遺文

孔孟不可作誰哉繼其蹤寥寥千載餘梗芥嗟途窮善
端根人心寒暑互始終於惟皇上帝篤生紫陽翁君父
止仁慈臣子盡孝忠民彛煥星日諒不下禹功班班列
言論萬古開盲聾茲焉儻可議嗚呼其孰從

皇甫固道允懷齋

玄運晝夜間九十餘萬里瞬息無停機神功妙資始聖
學貴日新疊疊同不已千載一寸心窮達均衆美水淵
保令終斯亦列星比寄謝齋中人師傳儻如此

淵明歸來圖

嗚呼靖節翁後世忠武侯出處雖事殊抱負同天游雲
鶴歛竒翼還我松菊秋南山日在眼琴書可消憂千年
長沙孫眉宇生氣浮朗詠傳雲篇邈矣追風流

虎溪圖

遠公廬阜居心境兩超絕紛紛任去留法眼槩一閱平
生方外交陶陸人中傑高標脫世羈晤言契真悅相逢

若無期相送那遽別區區虎溪巖不為兩公設舉手一
道然長風振林樾

送蕭勤齋歸別業

并序

維斗先生近營朱張邨別業以遂幽棲之志某也朴
魯實賴提撕今遽舍之而去殊深悵惘謹綴俚言攀
餞行李非敢為詩特以摠情素耳

世有萬里行舉杯載云別夫子即幽棲道路幾周折塊
坐一念之中心忽如噎賢人出處間吾道從可決曷此
數來年神理遂將絕沒者永無望存者猶碗髡顧我蠢
陋資學問復荒滅常時幸樞衣刮目際餘烈每恨聚散
期倏若風花瞥況今成遠違相看動踰節死草乏吹噓
寧能久霜雪百挽不得留踟躕五情熱再拜慎起居惟
神相明哲他時策馬來龍門訪遺轍

東郭

東郭月初上靜院開暝色幽人淡無夢孤坐琴在膝露
下氣更涼香逗心亦寂徘徊白雲意度此清景夕虧成

諒奚有物我俱自適曲終已忘形殘河渺窮碧

秋江晚霽圖

迢迢江上山渺渺天際浪晴霞散餘輝彩翠迷下上劃
然林谷開灑落得物象秋風吹乾坤水石固異狀兩舟
何許人超擢在清漾江山如此中發揮信高尚有懷宿
昔深感激生悄愴胡為塵土腥耳目隔欣曠

遺安堂

安者人所趨危者人所避壤壤穹宇間趨避每相戾君
看代冰家廝役猶深麗一朝位望傾往往無噍類天工
豈禍人驕淫理必至何如畎畝身俯仰頗自遂春桑足
稠襦秋禾飽饗饍望糞雖甃勞子孫有長利非堂名遺
安君諒識高義誰知十載餘復見襄陽來嗣守嗟古難
過庭皆令器請哦淵冰詩安危乃一致

題李之順山水

山水含清暉康樂詩言如謂此能娛人可以寄舒徐秦
中山水窟清暉何時無熙熙復攘攘不暇相為娛畫史

妙經營尺素意有餘撫卷一慨然誰哉此茅廬

題陳閔人馬圖

兩馬誰所為人言此陳閔到今幅紙間氣與八駿爭絕
藝不世有見者為嗟驚因知苦心學能留千古名載

送雷季正之燕

飛花滿長安離情對罇酒持此鄭重杯飲我平生友夫
子今名家風流靄關右翰墨灑芳馨言論吐瓊玖言三年
鴻都遊英譽騰衆口儲端重文儒擢置在樞紐請告觀

慈幃程嚴復東首激揚吾拂拂能贈言愧野醜嗟哉方寸
微紛然應萬有聲色蕩其前貨利餌其後毫釐失檢防
駸駸入驅誘君實勇有餘抗志麗辰斗永誌精一傳肯
使織罽垢富貴非宿心事業期不朽慨彼莘野翁幡然
謝畎畝

送劉民望望民尹安定并序

鄉人劉君民望端厚秀敏讀書為吏卓卓輩行間削牘
諸司陞掾行省蓋慎積致也延有紀號勅承務郎

尹奉先郃陽縣剛以推姦柔以撫順百利具興一害必去民氣忻忻如登春臺歸還之日士民遮送至有涕泣者縣之耆儒丘訥軒為作去思頌今年秋以故官改延安之安定吾知安定之民爭迎道左又將如郃陽之送也諸公賦詩以華其行恕因叙而倡之為吏居百職能否隨用彰峨峨進賢冠獨得名循良民實國之本委寄尤慎詳輕車就熟路十倍君才長外戶夜不閉絃歌聲洋洋卓魯亦人耳可復同休光

感懷

躑躅躑躅迺有年顏生痛天折氣數偶相遭巧智莫能越日食萬錢厨下筋無可啜鼓復飯藜羹器器心自悅在彼寧有餘顧我亦可缺男兒生世間要當勵名節生與萬夫庸死為萬鬼列此懷誰與言迎風一長呷

為韓母題萱春堂

母德一世師母年宜所獨况乃晨昏間愉愉溫蘭玉畫挹天地春永介北堂福雖能絃且歌南陔久無續

秋宵步月圖

明月上東嶺徘徊照巖扉清興不可奈起行信委蛇玉
色淨林壑襟袖風披披一笑指絕景今夕當有詩

送日者焦潤之

鴻鵠搏青霄啁啾百鳥喧至人不世出誰與論乾坤堂
堂管公明聲價動天門忍作攜手別愴怳將何言

送王文振嘉定錄判

悲風振高林寒烟慘寥廓行行重行行送子出西郭涕

淚兒女情執手感今昨中懷千萬端未言心已惡仕有
時為貧聖賢蓋所諾俛俛敷風好謀身諒非錯幸此瀕
臯間相對且盡酌拳拳慎愛憎人情險於壑

哭族姪周道

仁義久廢講家門亦碌碌謂天生斯人微意殆有屬云
胡未強仕百身不可贖二者痛無望淚珠劇因粟

送雷季正

鱗鱗泊陵阜鴻鴈于木棲茲事免危困千載吾誰稽松

揪雨露感嚴命興晨鷄懷哉陟岵歌白日忽已西

七言古詩

良夜

良夜沉沉天似水萬籟無風聲不起海上飛來白玉盤
乾坤都在冰壺裏幽人雅志嗜絲桐境勝心清興難已
琅然一曲發清商門外踉蹌舞山鬼夫君平日事絲綸
三絕韋編妙入神欲攀天關守九虎歸來甘作蓬蒿人
胸中老氣蟠不下時托朱絃一陶寫高山流水少知音

白雪陽春無和者長安華屋填層城綺絃道日日鳴秦箏
淫哇聳盡衆人耳正聲淡泊有誰聽爭如袖却薰風手
雲壑為家月為友可憐洒落卷中人憔悴紅塵今白首

喜雪和勤齋先生韻

夜窻蕭蕭風歷紙暫覺清光射眸子家僮遽報雪盈空
曷意窮年有茲喜來年槁伏黃埃間朝結微陰暮還已
城中嗷嗷千萬區豈獨思私憂嗟百指朝廷通日得賢相
大沛喜音滿舊澤天心還與聖心通頓使黎元思澤被

平明策試尺許深簸蕩乾坤仍不止怒張獵集恣憑陵
凍雀求哀竟何恃神龍變化應巨量浩浩一事同遠邇
虛齋坐久肩聳山亦有微漸生硯底徑呼歡伯為解嘲
藜口覓腸今免死雲章忽自九空墮疾讀冷然欲冰齒
唱酬絕倒昌黎公玉振金足聲條理追蹤騷裏良足歎
跼之技止於此

喜雪次郭方齋用東坡韵

陰風萬木無留葉一夕乾坤灑清雪培根養脉膏液濃
生意何嘗有中絕瑞光眩轉迷四圍大地渾沌平九折
豈惟入眼駭觀新更喜燒腸飢火滅取琴按曲絃不柔
呵筆書辭肘還裂沙沙窻紙碎作聲點點衣襟巧生纈
龍公曾次有此奇人世囂塵宜不屑比年旱疫兩成灾
性命忽如朝露瞥太和元氣行復常社老鄉翁聽渠說
嗚呼有司公且明感應真如契磁鉄

賀姊婿程子益生男

乾坤元氣相推遷兒生乃在丁丑年蘭蕩浴出紅錦縛

英物自匪庸兒肩頭顱曉曉峙寒會玉眼波湛湛澄秋泉
 褰幃一笑萬事足快取桑弧蓬矢懸迺知積善有餘慶
 聖神方策冊非徒然夫君門戶實天啓勲名累葉皆人賢
 卓哉河南二夫子道統遠接洙泗傳大經大法煥星日
 為我後學開冥玄俟兒起能讀遺編反躬厲行符若先
 人生所以貴似續政使不墜吾青氈毋為齷齪效爾外家阿
 家兄輩會須懇此南山田

五言律詩

南詔殊俗圖

聖域無遐邇恢恢共此天殊音自宮羽異服亦纁玄五
 色占雲从三方恐我先從今更萬歲臣節誓終全

思述堂

先世堂堂業孫曾翬翬思勲名千載載事忠孝百年期家
 慶栽培厚人才輩出奇須看孔悝氏廟鼎勒名時

邵周臣愈素叔燦疾

術變由心得天將壽此民脉占微入髓藥效捷通神義

不千金顧仁迴四氣春良醫傳有種隨世在吾秦

潘母家訓圖

夫子哀長世孤雛大難艱此心天敢負異日我何顏舊族
風流在傳家素業還死生兩無憾高節照人間

李氏洄溪作

見說洄溪好幽居一付君水聲千古月山色四時雲
席漁樵話投筇鷗鷺羣百年真受用有耳幾人間

挽孟孝卿郎中

閭閻庠序日郁郁桂林枝文獻承家遠才猷用世奇清
風留省幕厚德著司刑未究青雲業空餘薤露悲

再世通家好平生託契深別離纔境出消息遂淵沈談
席從誰接歡盟可重尋長歌懷舊賦淚下不成音

房渭南移學

房簿今賢吏儒官見設施改圖非得已善治本於斯構
築勤三載觀瞻聳一時嗣音同好德尚不廢成規

王子宜八十

金定四庫全書
卷十一
佳氣葱蔥心日先生笑舉觴衣冠瞻朴雅步履羨康彊福
祿培基厚詩書種德香十分纔一年彭壽慶方將

中秋對月

年年期此夜霽月少逢圓委照三更席飛光萬里天放
歌聲激烈狎坐語聯翩遙憶緱山鶴吹笙定有仙

再廣前韻

今宵對佳月恰是九分圓露盡瓊瑤界星稀紺碧天桂
香餘萼萼風袂欲翩翩樽酒從誰飲吾將起謫仙

送成學正

眉睫見吾子勵齋吁此翁性珠圓夜朗德器妙春融教
粟無竒味參苓得久功莫嗟今日用試看百年中

送季永言延安學正

學官開正郡國於職未為卑風動絃歌俗功成俎豆師通
才如子少遠業不吾遲笑貌均知德期將荅聖時

題穆郎中有慶堂

忠孝誰兼美芬芳萃一身冥冥唯有種浩浩不私親松

金定四庫全書
卷十一
栢慈幃壽芝蘭子舍春福川流更遠稱願到秦民

壽石仲彰母

風雨巢傾早栖栖母子俱人倫明大節義教得良圖丹
桂雙枝好青松百尺孤今年眉壽酒盛事說西都

壽程甥忠

穎悟惟天昇溫淳自性成詩書新軌範冠冕舊家聲顧
我非張舅知郎必陸甥進修當勉力萬里看鵬程

送王元膺

吳嶽鍾神秀森然氣不羣韜鈴束高閣詩禮策奇勲俛
仰驚初見周旋勝所聞賦詩無傑思聊以寫悃勤

送薛君英管勾

才適清時用名為大相知撥書搜外府驛騎謁台司古
學心妙藏今文舌吐奇鷓雛毛羽好更沐鳳凰池

新月

雲淨西南角冰痕印碧天漸看疑鏡破初上認鉤懸鴈
底空成痕梅梢更可憐素娥還肯語借問幾時圓

雪次張彥清中丞韻

一色雲連日空花作陣來龍宮無寶藏人世有瑤臺
冷氣潛消却天和剝挽迴間笑相語酒禁又須開

挽張題舉并序

保安張先生子載延祐中知河中府幕事陝西行臺
聞其為宿學也假以掾史祿敦請居臺中為士屬講
經已乃薦為儒學副提舉先生既受命悉心學政一
以長育人才為務不數月絃音誦聲洋洋乎侯類教

行有漸而先生遽以疾終嗚呼惜哉旅食不能即葬遂
藁殯近郊其子某在往返經營者屢矣今年春始克
護柩東歸不肖嘗辱禮接感念疇昔賦詩寫哀又以
歎先生之有子也泰定改元春三月清明日書

舊學推淵博芹宮足表儀鱣魚方兆慶鵬鳥遽成悲
燕社魂歸日秦闕泣送時有兒能大事天理不吾欺

博羅平章無欲齋

天德養純全人情戒頗偏振衣千仞表邁迹萬夫前玉

栗中涵潤金明外自堅危微傳聖學斯世有斯賢
送高御史遼陽都事

賸欲征衣挽才難自古然借籌行省幕來轍外臺賢造
父六飛策由基百步弦未容賓席暖東閣聽招延

挽汪左丞

惠澤均千里威名蓋一時雷霆新耳目烟雨暗旌旗黔
首嗟誰福皇天不憖遺寸心餘報國終古使人悲

送韓德卿

并序

韓君德鄉吾秦佳士也篤志力學守義循禮受知勤
齋先生書法尤得其妙處蓋駸駸乎鴈行矣今以夔
府知事告別於某敢賦小詩以發途中一笑

勤翁門下士清廟器中珍筆問蘭亭陣徑尋槐市真美
材儲用久健足發程新坐笑夔州了功成入幕賓

送王德威

萬里斯文輟堅車發軔初從容成四教勤苦出三餘韋
傳吾家學楊侯外祖書錄君能挾此賢網不應疎

送趙彥卿

憲府三年吏聲華莫與班立談多士集止水一心閒
急士方今日能君久故山惟應消息好時得慰哀顏

送李之晦

疏公名四海令器許璫璣騷雅胸中筆波瀾口角書
鷹庭金諾久雲路玉梯初努力如餐飯平生學有餘

送李凝仲縣尉

靈川古循吏卓魯為未優仲氏承家德初官佐縣侯
寡民無易視多盜有深憂黽勉栽培力千年一日秋

送王悅道同知

衡門能過我眉睫見尊公挺拔千林秀驍騰萬馬空
英遊馳宿譽聞寄策新功袞袞龍霄路登車攬轡中

送李季孚

文明開聖治殷序接周庠鄭重師儒選丁寧俊造方
久知閑德義且喜贍辭章古學標三在修途貴自強

送李用中廉司掾

萬卷詩書業青燈夜雨秋下幃聯後造提筆造英游寶
劍須真識明珠不暗投蜀森栢府實主風盡流

送侯譯史之燕

師學傳天語關西獨有君乾坤新申子龍虎舊風雲挺
拔千林表起騰萬馬羣唯應好消息鄉里得先聞

贈臨潼李義

福澤承家遠仁心得賦多萬人均若爾一室獨豐何不
待朝廷勸能迴邑里和驪山千古地高義與嗟蹶

贈王議卿義士

不作千金惜推恩古亦難饑寒多汝苦飽煖獨吾安原
憲炊餘粟黔婁死有棺乾坤同父母皎皎此心丹

盆梅次張彥清中丞韻

生意分全地寒稍玉蕾紅林詩難著巧黃筆易為工瓶
水留春到爐薰入夢同從今吾不恨長笛倚樓風
渺渺江頭路相思金玉音故將盆裏種要作眼前吟
影依尊俎清芬奪麝沈歲寒真得友無復嘆商參

張氏園亭

艷艷春暉裏天天寸草心百年雙雪鬢一刻萬黃金水
樂亭臺迥花雲几杖深有兒能祿養無壓數登臨

送靳御史之官南臺

憲府人材祿分司御史除雪消羣枉日霜立一賢初袖
底澄清轡囊中慷慨書平生顏魯郡應有雨隨車

送馮仲潛之官成都

治世人文朗名家德種新深心期濟物正學本修身列
傳標循吏卷阿詠吉人潭潭徵政府滄海集珠珍

挽賈敏夫僉事

閩省才猷壯秦臺舉望專峇纔逢國手琴遽絕朱絃寫
恨能無賦招魂漫有篇吁嗟清德在不復畏人傳

壽張太君

壽母春暉裏兒孫拜後先能成一家福尚友二南賢秋
水南陽菊薰風玉井蓮長生嘉頌在百世儘芳傳

題薊國公射虎圖

父老談奇偉公平凜若生弓強山可破獸猛葉如輕戶
不春風閉人今落日行雀鬼北平石終恨不成名

題揚正臣廉使言章

表表人臣義堂堂御史名有言吾不敢懷愧若為情慙
作浮雲蔽難藏白日明從來霜後柏蒼翠有餘榮

挽高用之總管

爽氣鍾珠秀長才富有為朱轡遺愛頌丹宸盛名知宿
草迷高里寒烟翳柏祠老成今已矣拊事重嗟咨

武縣尹士民悲送圖

絡繹道傍叟相逢各淚垂明君還棄我慈父欲依誰期
月功能見三年政可知平生循吏傳班馬不吾欺

送族侄一飛

勤家念先叔遺澤在諸孫之子才尤美興宗事可論靜
脩名始立卑牧道方尊老眼期須見高陽署里門

送姪孫幾往衡湘

順安先伯父麟鳳瑞吾宗素業當誰託曾孫乃汝逢尊

孳分善利惴惴事溫恭跬步無忘孝天心人欲從

送鄭器之雲南郎中

日南強聖域方漢尚中州省幕經營大人賢擢用優有才須幹國無意只封侯九折卬邾板還君叱馭秋

題甘泉簿托音送行

三歲甘泉簿誰令有去思功繇勤力見心以至誠知今也誰專信民馬不用欺霜松鬱柯葉當與歲寒期

壽維翁八十

并序

涇水之陽有高年者姓維氏世以善人稱於里中今年八十有二矣視明聽聰神充氣飽行不杖坐不歌如五六十許人蓋自壯歲有以長生久視之術授之者力行不懈人多以是為歸予固疑其未盡也及詢平生為子能孝為兄能友兩親遺言始生微物猶襲藏不棄篤實勤恭能保所受固有甚異於人者呼吸吐納云乎哉初度之朝賀者集門欲得予一言以佐子孫奉觴之勸於是叙而詩之既以美君又以為子

孫之勸也云爾

能事還能守真無忝所生松姿高雪秀鶴步海雲輕宗
族推純孝鄉閭敬老成如翁能幾見想像紫芝萌

挽樗巖馬廉於

訪

才臣中統舊有子獨公推學重宗藩選名高憲府知方
欣仁者壽遽哭哲人萎不錫蒼生福人終造物疑
太息將何及儒家失主盟經帷傳奧學文陣出奇兵安
得消蒙吝猶期揖老成乾坤何歲月復此氣精英

偶詠

中宵一片月坐撫得齊琴雲歌鳳山遠海嘯龍波深清
風凜毛髮零露霑衣襟天地誰先後悠然萬古心

